

Peredur Owen Griffiths AS
Cadeirydd y Pwyllgor Cyllid

4 Gorffennaf 2023

Amserlen Cyllideb 2024–25

Annwyl Peredur,

Fel sy'n ofynnol o dan Reol Sefydlog 20.2, mae'r Pwyllgor Busnes wedi cael gwybod yn ffurfiol bod y Llywodraeth yn bwriadu cyhoeddi cynigion amlinellol a manwl Cyllideb Ddrafft 2024–25 gyda'i gilydd ar 12 Rhagfyr 2023, fan hwyraf, a chyhoeddi'r Gyllideb derfynol ar 27 Chwefror 2024. Rwy'n ysgrifennu i geisio barn y Pwyllgor Cyllid ynghylch y terfyn amser arfaethedig ichi gyflwyno adroddiad ar y Gyllideb Ddrafft, yn unol â gofynion Rheol Sefydlog 20.4.

Mae Rheol Sefydlog 20.5(i) yn nodi bod yn rhaid i'r Pwyllgor Cyllid fel arfer gael wyth wythnos i gyflwyno adroddiad ar y cynigion cyllideb amlinellol, tra bod Rheol Sefydlog 20.5(ii) yn ei gwneud yn ofynnol i bwyllgorau eraill gael o leiaf bum wythnos i ystyried y cynigion cyllideb manwl, o fewn y amserlen a bennwyd gan y dyddiadau uchod a hysbyswyd inni gan y Llywodraeth.

Awgrymodd y Trefnydd fod y Llywodraeth yn bwriadu trefnu dadl ar y Gyllideb Ddrafft ddydd Mawrth 6 Chwefror 2024. Byddai hyn yn ei gwneud yn ofynnol i'r Pwyllgor Cyllid a phwyllgorau eraill gyflwyno adroddiad ar ddydd Llun 5 Chwefror 2024, neu cyn hynny, a fyddai'n rhoi saith wythnos a phedwar diwrnod, gan gynnwys pedair wythnos fusnes, ar gyfer craffu ar gynigion amlinellol a manwl y Gyllideb Ddrafft.



Senedd Cymru
Bae Caerdydd, Caerdydd, CF99 1SN

 SeneddPwyllgorBusnes@Senedd.cymru

 0300 200 6565

Welsh Parliament
Cardiff Bay, Cardiff, CF99 1SN

 SeneddBusiness@senedd.wales

 0300 200 6565

Yn ei llythyr, nododd y Trefnydd fod ansicrwydd unwaith eto eleni ynghylch dyddiad digwyddiad cyllidol Llywodraeth y DU ac, felly, y bydd Llywodraeth Cymru yn darparu amserlen gadarn cyn gynted â phosibl ar ôl i Lywodraeth y DU wneud cyhoeddiad ynghylch ei Chyllideb.

Byddwn yn ddiolchgar pe gallech fynegi barn ynghylch yr amserlen arfaethedig fel y gall y Pwyllgor Busnes gyhoeddi'r amserlen i drafod y gyllideb.

Yn gywir,



Y Gwir Anrh. Elin Jones AS

Y Llywydd a Chadeirydd y Pwyllgor Busnes

